

«ETaren aportazioak egundoko garrantzia du» HBren ustez

«Unerik zailenetan» «erresistentzia sinbolo» dela dio Urrats Berriko 2 txostenean

Herri Batasunak «egundoko garrantzia» duten aportazioak ezagutzen dizkio ETari, 'Urrats Berriko' bigarren oinarritzko txostenean baieztatzen denez. Horietako bat, «prozesuaren unerik larri eta zailetan erresistentzia sinbolo» izatea da.

P. URZELAI / DONOSTIA

Herri Batasunak barne eztabaidarako prestatu duen Urrats Berriko bigarren txostenean, «Batasunean gorantz. Abertzaleen eta ezkerrearen proiektu amankomuneratz» izenekoan, ETarekiko balorazio positiboa agertu du. Aipatutako txostena egun hauetan hasi da banatzen militantziaren artean eta EGUNKARIAk eskuratu ahal izan du.

Urrats Berri izenburuarekin, HB Aberri Egunaren inguruan amaituko den barne eztabaida prozesuan murgilduta dago. Lehen txostena abagune politikoaren azterketa zen, bigarren hau, manifestu gisa eraikia, HBk izan nahi duen aritzen da, hirugarrenak iharduera politikoari helduko dio eta laugarrenak barne egituraketa berriari.

HBren ustez, «ETaren aportazioak egundoko garrantzia du». Baieztapen hori azaltzerakoan, hiru aspektu nabarmentzen ditu aipatutako txostenak. Lehenik, «makina bat abertzale kontzientzia lokartu eta erasotuentzat iratzarkada» izatea «eta, horrekin batera, euskal gazte-riaren sektore zabal batentzat, berriz, leherkari izugarria». Bigarrenik, «euskal askatasunerako prozesuan jauzi kualitatiboak ahalbidertzeko izugarritzko garrantzia duten elementu ideologikoak» aportatzea. Hirugarrenik, «prozesuaren unerik larri eta zailenetan ETA erresistentzia sinbolo» bihurtzea.

Frankismoaren urte latzetan edota 1976-1978 «urteetako noraezean», «ia indar politiko guztiek Baskongadas eta Nafarroaren arteko zatiketa eta autodeterminatzeko eskubidearen ukapena 'demokratikotzat' jotzen zutenean», ETA «erreferentzia



HBk Urrats Berriko bigarren txostena prestatu du barne eztabaidarako.

✓ «Borroka armatuarekiko joera desberdinetako pertsonak bizi gara elkarrekin HBren barruan, areago, egungo koiuntura politikoan borroka armatuaren egokitasuna ukatzen duten sektoreak ere»

gune» izan zen «borrokan eutsi eta ez etsitzeko prest zeuden abertzale guztientzat», aipatu dokumentuaren arabera.

BORROKA ARMATUAREKIKO JOERAK

Negoiazio politikoari eskaintako atalean, HBren baitan «borroka armatuarekiko joera ezberdinetako giza-kiak» bizi direla baieztatzen da, baita «egungo koiuntura politikoan bo-

rroka armatuaren egokitasuna ukatzen duten sektoreak». Dibertsitate hauek izanda ere, funtsezkoenean «batasuna» dagoela dio HBk.

Batasun honek —txostenaren arabera— hiru puntu nagusiri heldu dio: konponbide negoziatuak bilatzeko borondatea, borroka armatua ez salatzea sistemari «jokoa egitea» delakoan eta borroka armatuaren sortzearen «zergati politikoak» aztertze beharra.

Aliantza taktiko-estrategikoa

P.U. / DONOSTIA

Herri Batasuna bere burua definitzen ahalegintzen da eztabaidarako prestatutako bigarren txostenean. Ezaugarri gisa, honako hauek aipatzen dira txostenean zehar: «Erakunde plurala», «alderdi politiko gisa definitzeari uko egiten dion herritar batasuna», «barne demokrazian oinarritua», gizarte mugimenduekin


uztartua, «antikapitalista», «antimilitarista»...

Horrez gain, Herri Batasuna antolakuntza gisa zertarako dagoen eta zer etorkizuna duen, hau da, bere «dimentsio taktiko-estrategikoa», zirriborratzen da txostenean. Bere izaera «taktikoa» Euskal Herriaren Subiranotasun politikoaren oinarriak finkatuko dituen Akordio Politikoa erdiesteari dagokio. Izaera estrategikoa «aldakuntza eta eraberritze sakonak jasanez bilakatuko den prozesu politiko luzean barrena tresna organizatiboa» izateari dagokio.

Beste era batera esanda, txostenaren arabera, «Herri Batasuna izateko arrazoia» ez da agortuko Estatuarekiko «Akordio Politikoa» lortzearekin. «Aitzitik, Hego Euskal Herriaren antolakuntz instituzionalean eta independentzia eta sozialismoa lortzeko prozesuan gauzatu beharko dugun borrokan» funtsezko zeregin berria bereganatuko du.

SOZIALISMO DEMOKRATIKOAREN ALDE

Etorkizuna eraikitze ardatzen artean, lurralde batasuna, autodeter-



CARLOS VILLAGRAN

Izan ere, borroka armatua salatzea ez salatze kontua honela azaltzen da Urrats Berriko bigarren txostenean: «Herri eta sektore zapalduak erabiltzen duten borroka armatua salatuz sistemari jokoa ez egiteko gure erabaki tinkoa, salakuntza horrek Estatu espainiarrak inposaketa militarren, legalen, ekonomiko eta kulturalen bitartez gure Herriaren aurkako indarkeria estrukturalaren legitimizatzea suposatuko zuelako».

Negoiazio politikoaren modu, urrats eta garaia ez ditu aztertzen aipatutako txostenak. Bai, ordea, bere xede eta balioa: «Hego Euskal Herria eta Estatu espainolaren arteko gatazka gainditzeko tresnarik egokiena da».

✓ «Sozialismo demokratikoaren alde egin dugun apostua —dio txostenak— eta sozialdemokrazia bi gauza zeharo ezberdin dira».

minazio eskubidea, euskara, ekologia eta nazioen arteko elkartasunarekin batera, «sozialismo demokratikoa» defendatzen du HBk. Ekialdeko esperientziaren porrota onartuta, «egiako askatasun formalak izatea eta demokrazia eskuhartzalea eta ordezkotzazkoa elkarren osagarri bilakatuko dituen» sozialismo demokratikoaren aldeko apostua defendatzen du HBk. «Sozialismo demokratikoaren alde egin dugun apostua —argitzen du— eta sozialdemokrazia bi gauza zeharo ezberdin dira. Sozialdemokrazia ez du berdintasun eta justiziako sistemarik ezarri nahi, eta ezin du, kapitalismoa 'era modernoan' gestionatzea nahikoa du».

Fraga: «Alliren asmoa ez da ETarekin negoziatzia bultzatzea»

SANTIAGO DE COMPOSTELA

Manuel Fraga Galizako Xuntako lehendakariak atzo esan zuen ziur dagoela Nafarroako Foru Komunitateak ez duela sekula lagunduko ETarekin inolako negoziaketarik egon dadin, eta erantsi zuen ez dela «hori» Juan Cruz Alli lehendakariaren asmoa.

Halere, Fragak ez zuen iritzirik eman nahi izan Nafarroako Foru Komunitateko lehendakariak egindako adierazpenez, ETaren sueten eta negoziatio eskaintzarekin bat eginez. Xuntako Lehendakariak adierazpen horiek ez zituela ezagutzen argudiatu zuen.

Halere, UPN barruan barne eztabaida dagoela jakitun zegoela adierazi zuen eta berretsi egin zuen PPren jarrera «ETAko kriminalen inola-ko elkarriketarik edo negoziatorik edukitzearen aurka».

ORDOÑEZ: Alliren auzia dela, Gregorio Ordoñez Gipuzkoako

PPko buruzagia ez zen isilik gelditu atzokoan. «Juan Cruz Alli zoratu egin da», baieztatu zuen Gregorio Ordoñezek Alliren adierazpenak gaitzetsiz. «875 hilketaren ondoren, langileriaren kontrako erasoren ondoren, bizitzeko eskubidea loteria bat bihurtzearen ondoren, nahiago dut pentsatzea ETarekiko negoziatio politikoa eskatzen duena zoratu egin dela», adierazi zuen Ordoñezek.

EAK mozioak aurkeztuko ditu Bizkaiko udaletan Udalkutxa aldatzea eskatzeko

BILBO

Eusko Alkartasuna mozia aurkeztuko du Bizkaiko udal guztietan, herrialde honetako Foru Institutioari 'Udalkutxa' deitutako udal finantziabide formularen «irizpide, parametro eta ahalmenak aldatu eta horren ordez emaitza solidarioak eta berdintsuagoak dituen beste bat» ipintzea eskatzeko. Ekimen berean proposatuko da Eusko Jaurlaritzari eskatzea udalek Euskal Finantz Kontseiluan «behar besteko ordezkartza, ahotsaz eta botoaz» izan dezate la. Eskakizun hau egitean, EAK kontura erazi egin zuen Euskal Udalen Legea laster indarrean ipiniko dela.

EA udalen autonomia bultzatzearen alde agertu zen eta horretarako finantz autonomia bultzatzea proposatu zuen. Gainera, kritikatu egin zuen «Euskal Herriko lurraldeetan finantz formula erabat ezberdinak» erabiltzen direla, askotan «solidarioak ez direla» iritzita. Hain zuzen, Bizkaiko 'Udalkutxaren' kasuan, EAK adierazi zuen herrialde honetan dagoen finantziabiderako formulak «udalen garapen berdintsua eta solidarioa bultzatzen ez duten distorsioak» sortzen dituela, «baldintza politikoetatik libre» ez dagoelako.



PASAIKO UDALA

IRAGARKIA

1991ko abenduaren 5eko 291 zka. duen B.O.E. an publikaturik deialdi iragarkia, Administrazio Orokorreko BI ADMINISTRARILAGUNTZAILE PLAZA eta BI ADMINISTRARI PLAZA lehiaketak oposizioan betetzeko, bata txanda murriztuan eta bestea txanda librean, iragarki-honen bidez interesatuak egon daitezkeinei jakin erazten zaizkie hurrengo puntuak:

☆ **Instantziak aurkezteko epea:** 1991ko abenduak 25.

☆ **Non aurkeztu:** Udal-Erregistro Orokorrean. Baita ere Prozedura Administrazioaren Legeko 66. artikulua zehazten duen eran.

☆ **Instantziaren eredu:** Udal-Erregistroaren bulegoan emango da.

Pasaia, 1991 abenduak 12. ALKATEA